

ممالک عثمانیه ده سنه لکی (۶۵) ،
آلتی آیلنی (۳۵) غروشدور ،
ممالک اجنیه ده سنه لکی (۸۰) ،
آلتی آیلنی (۴۵) غروشدور .

اراره عناه

باب عالی نجاهد سنده دائره مخصوصه

انظارات

آبونه بدلی پشیدر

مسالکه موافق آثار مع المنونیه
قبول اولنور . درج ایدلین
یازیلر اتاده اولونماز .

السلامة

۱۳۳۴ رجب ۸

انظارات

رساله مزدن آلدینی کوسترک
شرطیله بتون یازیلر هر هانکی بر
غزته طرفندن اقتباس اولونه بیلر .

مکتوبلرک ، امضالری واضح
واوقوناقلی اولسی و آونه سره
نوسروسی محتوی بولنسی لازمدور .

ممالک اجنیه ایچون آونه اولانلرک
آدرس لرینک فرانسه جهده یازلسی
رجا اولنور .

یازم کوندرلدیکی زمان نه نه دائر
اولدینک واضحاً بیلدیرلسی رجا
اولنور .

خلافت اسلامیه

فرانسه وانکلتزه مطبوعاتنه جوابدر

خیلی زماندن بری آلابیلدیکنه صافلی طوتولان برچوق حقیقتلری
میدانه چیقارمق خصوصنده شوکیردیکمز کونلر قدر یامان برکشاف
کوردیکمز کبی؛ اسلام دشمنلرینک سینهلرنده کیزله دکبری قورقورلی،
اندیشه لری ینه شو کونلر قدر کوزمزه صوقه حق بر آینه یه راست کلدک .
فرانسه ایله انکلتزه بیللردن بری مسلمانلق امر مهمنی استخفاف
ایدیور؛ عالم اسلامک حقیر کوریه میه جک بر قوت اولدیغندن تجاهلده
بولونیوردی . اک زنگین طور اقلرده ، اک معتدل اقلیملرده یاشایان
شو اوچیوز بوقدر میلیون خلقک مصاب اولدینی تفرقه ایله دوشدیکی
غفلت ، برده انقیاد ایتدیکی حاکم یوزندن اوغرادینی نامتاهی ظلم
ونکت ایسه استخفافلرینه بر قاتدها شدت ویریوردی . لکن
سحر حاضر بوایکی ملتک محرر لر یله سیاسیلرینک کوزلرنده کی پرده نی
یرتدی ؛ اولره شیمدی یه قدر جاهلی ، یاخود متجاهلی بولندقلری
شیلری رأی العین کوستردی . اونک ایچون فرانسه وانکلتزه ده کی غزته لره
سیاسی مجموعه لر بوکون متصل خلافت مسئله سی ایله شو عماره کبرانک
صوکنده امر مسلمانک آلابیلدیجکی شکلی مناقشه ایدوب طور یبورلر .
اوت ، عرض ایتدیکنمز مطبوعاتک محرر لر ی بلاد اسلامیه ده کی
حکومتلرینک مستقبلی دوشونلرک دیورلرک : شاید اوخوارده
بولنان مسلمانلر شیمدی یه قدر بالدقلری درین او یقودن زمانک
بومدهش ایقاطیله اویانیرلرسه ؛ خاندان عثمانی اولماسه موجودیت
سیاسیه لری کلیاً سیلنلرک کندیلرینک ده نسلی منقرض اقوام ماضیه
آرهنه قاریشه جقلرینی کورورلرسه وبوانتباک تاثیر یله حکمته ، عقله ،
تدبیره صاریلرلرده خلافت عثمانیه رابطه سنه صیم صیق یاپیشمق
خصوصنده برله شیرلرسه حال نزمیه واریر ؟

ایشته بومطبوعاتخیلر اولامعنا ی خلافتی دیلارینه دولایه رق اقوام
اسلامیه نی آری آری افکار ومسالکه سوق ایدم جک یکی بریول بولمق
ونتیجه سنده «وان هذا صراطی مستقیماً فاتبعوه ولا تتبعوا السبل فتفرق
بکم عن سبیله» امر جلیلی ایله فاطر حکیمک مسلمانلره کوستردیکی سبیل
وحدتن کندیلرینی آیرمق سوداسنده بولونیورلر . لکن نه مشکل بر

مقصد تعقیب ایدیورلر ؛ نه مجال برچاره آرقه سنده قوشیورلر ! ..
هیات ! اسلامده خلافت هیچ بر زمان بوکبی قلملرک اوینایه .
بیلدیجکی ، یاخود بوکبی اوهامک ال اوزاته بیلدیجکی میتدل مسائلدن
دکدر . زیرا « لافضل لعربی علی عجمی الا بالتقوی » حکمنی
ورن پیغمبر ایله ، حدیث قدسیسنده « الحجة لمن اطاعنی ولوکان عبداً
حبشیاً والنار لمن عصانی ولوکان حراً قرشیاً » بویوزان خدای
ذوالجلال امور مسلمینی اهلندن باشقه سنه تودیع ایتک ، یاخود اداره
مسلمینی اواداره دن عاجز اللره ویرمک کی شائبه لردن کلیاً متعالیدر .
خلافت مسئله سنی پارماغنه طولایان بو آدملر اوامر معظمک هاشمیلرله
شرفایه منحصر اولدینی وهمنده بولونهرق بو صورتله مسلمانلرک
یوزنی امرادن برقسمنه ، لکن علیه الصلوة والسلام افندیمنک نسل
کریندن اولمزلندن باشقه هیچ برفضلی ، هیچ برمرتبی اولمیان اللره
چویرمک ایسته یورلر . بیامیورلرک شرفانک جبد مکرمی ،
وجود قریشک رأس معظمی اولان رسول محترم ، قریش اجرای
حکیمده جوژه میل ایدر ، یاخود سیاست مسلمینی تدبیردن عجز
کوستررسه امر حکومتی اللرندن آلمق ایچون مسلمانلره امر ایتشدور .
هیات ، بو محرر لر طیالسی ، بزار ، بخاری کی محدثلرک علیه الصلوة
والسلام افندیمندن « الائمة من قریش ما اذا حکموا فعدلوا » لفظیله
روایت ایتدکلری حدیث شریفی نره دن بیلدیجکلر !

اگر بو محرر لر سیاست اسلامیه کی اصللری بیلسه لردی «استقیموا
لقریش ما استقاموا لکم فان لم یستقیموا لکم فضعوا سیوفکم علی
عواتکم فابیدوا خضراء هم فان لم تفعلوا فکونوا رواعین اشیاء . »
حدیث شریفندن غافل اولمازلردی . اگر بو محرر لر تاریخه وقوف
اربابندن اولسه لردی ، البته حضرت عمرک « معاذ بن جبل صاغ
اولایدی خلافته اونی انتخاب ایدردم . » طرزنده کی سوزنی طویه جقلردی .
بک اعلا! معاذ بن جبل نسب اعتباریله قریشه مناسبتی اولمیان انصاردن ،
یعنی اهل مدینه دن باشقه بری میدر ؛ کذلک ینه حضرت عمرک وحذیفه نک
آزادلی کوله سی سالم صاغ اولسه ییدی اونی انتخاب ایدردم . دیدیکنی
بیلرلردی . عجمی سالم آزاد ایدیش برکوله دکلدردنه ندر ؟
علیه الصلوة والسلام افندیمن حال احتضارده ایکن حضور
سعادتلرنده کریمه لرینک زوج مکرمی وعائله نبویه نک رکن اهمی

اولان علی بن ابی طالب حاضر ایدی. علیه الصلوة والسلام افندیز حال احتضارده ایکن حسن، حسین ایله دیگر قارداشلی قارشولرنده بولونیوردی. حال بوکه میلیونلرجه شرفانک سبب وجودی اولانلر بولنردی. علیه الصلوة والسلام افندیز حال احتضارده ایکن بوتون عمجهلری ایله عمجه چو جقلری یانلرنده بولونیوردی، که ترجمان قرآن اولان عبدالله بن عباس ده آرهلرنده ایدی. ایشته علیه الصلوة والسلام افندیز حال احتضارده ایکن بولنرک کافه سی زدهای بولنلرنده ایدیلر. پک اعلا ایچلرندن برینی مسلمانلره خلیفه تعیین بویوردیلر می؟ حال بوکه تک برکه سویله مش اولایدیلر، اوتک کله خلیفه مسئله سنده بوتون غایه لری، بوتون امللری آلت اوست ایده جک یکانه غایه کسایلر و بوتون شههلری کسوب آتله حق یقین صرف اولوردی.

علیه الصلوة والسلام افندیز دارنیسای بومسئله حقه نده قطعی برکه سویلکسزین ترک ایدیلر. بو خصوصده آنجق برطام اشارتلر واردرکه هیئت مجموعه سنندن کندیلرینک ابوبکر الصدیقک خلافتنه رغبتلری استتباط اولوندی. حال بوکه آرهلرنده صهریتله قریشک بعض اجدادنده برلشملرندن باشقه رابطه یوقدی. بونکله برابر ذکر اولونان اشارتلر امر خلافتی ابوبکره تودیج ایچون کافی کلدی. بوسیدن اصحابک حل وعقد اهلی اولانلری ارنحال نبونک عقبنده طولانایدیلر؛ مسئله یی تاریخک تفصیلی وجهله مذاکره ایدرک ابو بکر الصدیقه بیعته قرار ویردیلر. ایشته کورولیلورکه عائله نبویه هنوز میدانده ایکن و بو عائله نک او کونکی ارکانی صوکرادن کلن انسال ایچنده تصادف اولونان رخاوت، عجز، سوء تدبیر، مصالح مسلمینه قارشو لاقیدلک کی تقیصه لردن تمامیه مصون ایکن ایشینه ابوبکرک عهده سننده تقرر ایتدی. دیمک، خلافت و خلیفه انتخابی مسئله لرنده ایش آنجق مسلمین آرهنده کی حل وعقد اصحابک رأیله فصل اولونه بیلور. دیمک، بولنر رأیلرینی مجتمعا کیمه توجیه ایدرلرسه کندیسنه اطاعت واجب اولان، مخالفت جائز اولمیان ذات او اولیور. ولوکه اوزات پیغمبرک اولادندن، یاخود دیگر بی هاشمدن اولماسون. کذلک ابوبکرده پیغمبرک اولادی و عمجه چو جقلری میدانده ایکن خلافتنه حضرت عمری انتخاب ایتدی. مرض موتنده ایکن کندیسنی زیارته کلن ویرینه برخلیفه تعیینی تکلیف ایدن هیئته جواباً حضرت عمرک سویلدیکی شوسوزلرده مدعایمزی تأییده کافی در: — سزک ایشکزی سزی طریق حقه سوق ایده جکنی امید ایتدیکم بر آدمه (*) تودیج ایتمیه اولجه قرار ویرمشدم. شیمدی ایسه، صاغغمده طاشیدیم بویوکک برده اولدکن صوکرآ آلتنه کیرمه مهبی ده موافق کوردم. آرق سزله، حقلرنده علیه الصلوة والسلام افندمزک «اهل جتندندر» بیوردینی ذواته مراجعت ایتلیسکنز. اولنر ایچلرندن برینی انتخاب ایتسونلر. سزده او انتخاب اولنان ذاته مظاهرتده بولونکنز...

باقکنز؛ کمال عقانته، عدالتنه، حکمت سیاستنه شهادت خصوصنده بوتون مورخارک اتفاق ایتدکلری عمرکی برخلیفه راشد علی بی تعیینه جرات ایتک ایسته مدی ده مسلمانلرک ایشنی ایچلرنده کی اصحاب رأیه براقدی.

(*) مقصدی حضرت علی ایدی.

علی ایسه یوقاروده سویلدیکمز کی بوشجره شریفه نک اصل اصیلی در. عمرک یوقاریده ذکر ایتدیکمز سوزلری دلالت ایدیورکه معاذ ابن جبل انصاری ایله حذیفه نک آزادی کوله سی بولنان سالمند باشقه. سنده شرائط خلافتک اجتماع ایتدیکنه کندیسنجه یقین حاصل اولمامش ایدی. حال بوکه سالمک حذیفه نک کوله سی اولمقدن باشقه قریش ایله مناسبت نسبییه سی یوقدی. بوده صراحتاً کوستریورکه: عمر بن خطاب مصالح مسلمین ایله صوک درجه ده علاقه دار ایدی؛ عباداللهک امورینی کفایت وقدرت اعتباریه هپسنک فوقنده اولان الله تودیج ایتمکن باشقه برشی دوشونمیوردی؛ بو خصوصده نسب غلاقه لری، عشیرت، قبیله رابطه لری اصلا قاله آلیوردی.

برده عمر بن خطابک، عراق محاربه سنه کوندریرکن سعد بن ابی وقاصه سویله مش اولدینی شوسوزلری نظر امعانه آله لم: «یاسعد، خلقک، سعد، رسول اللهک دایسی در؛ رسول اللهک یار جانیدر کی سوزلری صاقین سنی آلامسین. بیلر سین که الله ایله هیج برکیمسه آرهنده او کیمسه نک طاعتندن باشقه نسب یوقدر. انسانلرک شریفی ده، بسپایه سی ده الله عننده مساویدر. الله اولنرک تا کریمی، اولنر اللهک قوللریدر. معاصیدن سلامت ایله سچیلرلر، طاعت ایله لطف الهی به نائل اولورلر.» ذاتاً مسلمینک مصالح عامه سنه صهریتک، نسبک ناصل تأثیری اوله بیلیر؟ عیجا علیه الصلوة والسلام افندیز کندی صلب کریمندن کلن اولادینه، یاخود اک یاقین اقرباسنه اولان ارتباطی عامه مسلمینه اولان ارتباطندن دهامی زیاده ایدی؟ الله ذوالجلال «النبی اولی بالمؤمنین من انفسهم رازواجه امهاتهم» بویورویور.

براقبش اولدینی میراندن استفاده حقی کندی اهلندن، کندی اولادندن تزع ایدرک بو خصوصده عامه مسلمینی اولنره ترجیح بویوران بر پیغمبر (صلعم) قابیلدرکه بوتون بر عالم اسلامک سیاستی — صرف نسب و صهریت اعتباریه کندیسنه مربوط اولدقلری ایچون — ذریتنه، یاخود عامه قریشه ترک ایلسین؟ علیه الصلوة والسلام افندیز صوک کونلرنده کوردیلرکه: اسلامک ایکی اک بویوک رکنی مهاجرین قریش ایله انصار مدینه دن عبارتدی؛ آنجق قریش مسلمانلرینک عددی کوندن کونه آرتیوردی. بر حالده که قبیله نک اک بویوک شیخلری، سیدلری، ایلری کلن ارباب رأی، رؤسای کاملاً آغوش اسلامه آتیلوردی.

بونک اوزرینه علیه الصلوة والسلام افندیز قورقدیلرکه دنیایی براقوب کیتدکلری زمان انصارک ایچنده خلافت کوزدیکنلر؛ لکن سوق احتراض ایله دکل، آنجق اعدای رسوله صولتده، ذات رسوله نصرتده باشقلرینی کچمش اولدقلری ایچون کوزدیکنلر بولونماسین. زیرا فی الحقیقه عرب بولنرک قیاجلری سایه سننده دین الهی، کیرمشدی؛ الله اسلامی بولنر واسطه سیله بوتون ادیانک فوقه چیقارمشی.

علیه الصلوة والسلام افندیز قورقدیلرکه مهاجرین قریش ایله انصار آرهنده برفته ظهوره کاوبده بنیان اسلامک ارکانی ده ویرمه سین، حیات اسلامه خاتمه ویرمه سین. باخصوص او آراق عامه عمر قریشدن باشقه سنه انقیاد ایتیوردی. ایشته صرف بوسیدن طولانیدرکه امر.

نامہ لکھ کر کوندرہ رک ایمان لینی اقرار ایلدک لینی تاریخ جزہ تفصیلاً بیلدیریور۔
حالبو کہ افندیز انصار مدینہ ایچندہ بیلرجه اقامت بویورمش ؛
و بونلرده ناسی اللہ یولنه دعوت و فی سبیل اللہ مجاہدہ بہ مسارعت ایتمشیدی۔
لکن خلق هیچ بر زمان مکدنک فتحیله قریشک اسلامه دخولندن سوکرا
کورمش اولدیغمنز تہالکی آکدیور بر شوق اجابت کوسترہ مشدی۔

یاشاید امر خلافت انصارک عہدہ سندہ قالیدی ، عجباً عربک
آحادیله اشرافی، مشایخی ، ملوکی نہ یاباردی؟ چونکہ انصار بین العرب
مطاع اولدقلری کبی مہیب بر یکنوہ، قوی بر عصیتہدہ مالک دکلدیلر۔
یاشاید خلافت سعد بن عبادہ الخزرجی بہ توجه ایده یدی دہ اوس کندی
حصہ سنہ دوشہ جک پای خزر جیلردن طلب دعواسیلہ آیاقلانہ یدی ،
عجباً مسلمانلرک حالی نہ اولوردی؟ عجباً اوزمان مسلمانلر ایچون تفرقہ دار
اولدق بر جمعیت می قالیردی، یوقسہ رخنہ دار اولدق بر بنیان شوکت می؟
اوت بزلر سقیفہ وقعہ سندہ اوس ایله خزر جک منازعہ بہ قالمشوق اوزرہ
اولدقلرینی کوسترہ امارہ لک کوریورز ؛ بونلر ایسہ اهل مدینہ نک
ایکی رکن رکینی ، انصارکدہ ایکی عنصر کزینی ایدی۔ فی الحقیقہ ،
هنوز ابوبکرہ بیعت ایلمہ مشدی کہ خزر جیلرک سعد بن عبادہ بی ایلری
سوردیکنی کورن اوسیلر ، تقییلری اسید بن حضیردہ برابر اولدیغی
حالدہ ، بر برلرینہ دونہرک : « واللہ اکر خزر جیلر بر کرہ خلافتہ
کچہ جک اولورلرہ قیامتہ قدر سزہ تفوق اظهار ایدرلر ؛ هیچ بر زمان دہ
بواشیدن سزہ پای ویرمز لر ۔ اویله ایسہ قالمشوق ، ابوبکرہ بیعت
ایدیکز ۔ » دیدیلر ۔ بونک اوزرینہ سعد بن عبادہ ایله خزر جیلرک
تصورلری خلقہ خوش کورونمیدی ، هر طرفدن ابوبکرہ بیعت ایتہ بہ
باشلا دیلر ۔ ایشته بونلرک ہپی علیہ الصلاۃ والسلام افندیزک وقوعہ
کلہ جکنی امیدایدوب چکندیکی بر طاقم وقایع ایدی۔ ذات رسالتناہیلری
ایسہ مسلمانلرک سعادتہ سوک درجہدہ حریص ، کندیلرینہ سوک
درجہدہ شفیق اولدقلری ایچون وفاتلرندن سوکرہ امر خلافتک
اودورده شوکت و عصیت قویہ صاحبی اولان ؛ آحادی، اشرافی، مشایخی،
ملوکی داخل اولدیغی خالدہ بوتون عرب اوزرندہ نفوذینی یوروتن
قریشہ توجیہنی توصیه بویورمشلردی۔ شاید افندیز مسئلہنی بوضورتلہ
کسوب آتمایہرق مشوش بر صورتدہ بر ایش اولسہ یدیلر بویوزدن میدان
آلہ حق مصیبتلر مسلمانلغی دہ، مسلمانلری دہ اساسندن رخنہ دار ایدردی۔
دیمک اولیورکہ : خلافتک ترجیحاً قریشہ ویرلسنک سببی ایشک ہم
فعلاً ، ہم حکماً مهاجرین ایله انصار آرہ سندہ منازعہ فیہ اولماسندن باشقہ
برشی دکلتش۔ مهاجرین قریشک انصارہ تفضیل ایدلسی دہ سوکرہ کیلرک
سلامت اسلامی تأمین ایده بیلہ جک، احوالک الجا آتہ قارشنی طورہ بیلہ جک
برکتیدہ ، اوقدر مہم بر نفوذ و عصیتدہ بولونماملرندن دولانی ایش ۔
عمر بن الخطابک حباب بن المذرا الانصاری بہ ویردیکی جواب دہ
مسئلہ نک برقات دہا تنویرینہ مدار اولور : بوصحابی انصاری جماعت
مسلمینہ قارشنی ایراد ایلدیکی خطبہ نک سوکنده : « سزدن برامیر ،
بزدن دہ برامیر اولمایدیر ۔ » دیشدی ۔ ایشته اوزمان حباب فاروق :
« ہیہات ، ایکی امیرک برلشمسنہ امکان یوقدر ۔ واللہ پیغمبر سزدن
اولمادیغی خالدہ ایچکزدن برینک امیر اتخاب ایدلسنہ عرب، قابل دکل،
راضی اولماز ۔ » طرزندہ مقابلہ ایتدی ۔

خلافتک عصیت، قوت صاحبی اولان و او آرائق بوتون جزیرہ العربدہ
نفوذینی یوروتن قریشہ عائد اولدیغنی، فقط حقندن ایرلدقلری مدتجہ
عائد اولدیغنی بیلدیرن احادیث نبویہ بہ تصادف ایدیورز : « یامعشر قریش
ان هذا الامر لکم مالم تحذوا فان غیرتم بعث اللہ علیکم من یلحاکم
کما یلحی القصب » ، « انکم اولی بہذا الامر ماکنتم علی الحق الا ان
تعزلوا عنہ فتلحون کما تلحی ہذہ الجریدہ »

علیہ الصلوۃ والسلام افندیز انصاری دائماً یاد ایدر ، دائماً سور ،
دائماً کندیلرندن خوشنودلق کتیرلردی۔ بونک ایچون قوت، سطوت،
نفوس ورجال اعتباریلہ تفوق موقعندہ بولسان قریش ایله اولکیلر
آراسندہ مخاصمہ وقوعہ کلہ جکنی کورونجہ انصارہ قارشنی خیر ایله معاملہ
ایدلسنی توصیه بویورمہ بہ باشلا دیلر ، ارتحال نبویلرندن بر ای اول
سویلش اولدقلری شوسوزلر او وصایا جملہ سندن در :
— ای معشر مهاجرین ، سزلر کوندن کونہ چوغالیورسکنز ۔
حال بوکہ انصار چوغالماز اولدی ۔ انصار ایسہ ہم کندیسنہ مراجعت
ایدیکم مخزن اسرار مدر ۔ اونک ایچون ایلرینہ اکرام ایدیکز ،
کوتورلرینی دہ خوش کورونکز ...

فی الحقیقہ علیہ الصلوۃ والسلام افندیزک ظہورینی مأمول
ایتدکاری وقعہ حادث اولدی : اوت ، ابو بکر الصدیقہ بیعت
اولوندینی کون انصارک، یوقارودہ سرد ایتدیکمز اسبابدن طولانی،
خلافتہ ناصیل میل کوستر دکلرینی حدیث سقیفہدہ کوریورز ۔ حتی
مهاجرین ایله انصار آراسندہ مخاصمہ و مجادلہ باشلامق اوزرہ ایدی۔ او آرائق
جناب صدیق ایراد ایش اولدیغنی خطبہ سندہ : « ای معشر انصار،
هیچ بر فضیلت خاطرہ کلز کہ سزلر اونک اهل اولمایہ سکنز ۔ آنجق
عرب بو ایش ایچون قریشدن باشقہ سنی طائماز۔ قریش دار و نسب
اعتباریلہ عربک اوسطی در ... الخ .. » دینجہ هر کس آکلادی کہ
خلافتہ بین الجزیرہ عصیت و شوکت صاحبی اولان قریشدن باشقہ سنی
کلہ جک اولورسہ عربلر اصلاً اطاعت کوسترمہ بہ جکک، بنیان اسلام
ایسہ هنوز تحکیمہ محتاج اولدیغی بر صرمدہ دوریلوب کیدم جک۔
فتح مکہنی متعاقب علیہ الصلوۃ والسلام افندیز کلن وفود مناسبتیلہ
مورخلرک ویر دکلری ایضاحات دہ صددی تنویرہ مدار اولہ حق
قیلدندر۔ اوت ، تبوک غزوه سی هنوز ختامہ ایرمشدی کہ هر طرفدن
عرب ایلچیلری کلشدی ۔ ذاتاً عربلر آنجق قریشک اسلامی قبولنہ
انتظار ایدیورلردی۔ زیرا قریش خلقک پیشواسنی، حریمک صاحبی،
حضرت اسماعیلک نسل خالصی ایدی ۔ عربلر بونی انکار ایده میور۔
لردی۔ حال بوکہ دیکر طرفدن افندیزہ قارشنی حربلر، مخالفتلر احداث
ایدن قریش ایدی۔ بناء علیہ مکہ فتح اولونہرق قریش اسلامی قبول ایدر
ایتز دیکر عربلر آرتیق پیغمبرہ قارشنی حرب آچہ بہ، عداوت بسلمہ بہ
طاقت قالدیغنی کورہرک فوج فوج دین الہی بہ کیردیلر ۔

هم قریشیلرک اسلامی قبول ایتسی یالکیز عربک آحادینہ تاثیر
ایتدی ۔ بلکه اونلرک دین محمدی بہ کیرہرک اطرافندہ طولانیلری
عرب ملکلرینک، عرب امیرلرینک قیلرندہ دہشتی بر انقلاب حصولہ
کتیردی ۔ نتہ کیم اشراف و سادات عربک ناصیل فوج حضور
رسالتناہی بہ کلہرک شرف اسلام ایله مشرف اولدقلرینی ؛ کذلک ملوک
حمیرک ناصل ایلچیلری حرث ابن عبدالکلال واسطہ سیلہ نزد رسولہ



بومشلهده بك چوقلری یا کلیش برطاقم مطالعاته قاپیلیورلر؛ زیرا خلافت حقیقده کی احادیث نبویه نك اسباب ورودندن ظافل اولدقلری ایچون معانی اشریفه سنده خطایه دوشیورلر .

خلافت اوله کندیسیله تبرک ایدیه جک ، یا خود کوکلردن رحمت بکله ن، حد ودالهی اقامه ایتمک ، عباداللهک حقوقی کوزتمک ، خلقک بربرینه کیرمه سنه میدان ویرمه مک ، جامعه اسلامی نك صلاحتی تأمینه خادم اسباب مدنیه و عمرانیه بی احضار ایله مکدر . نته کیم مقاصد خلافت ده ایجابنده حربه کیریشمک ، عسکری تعلیم و تربیه ایتمک ، دینک ، جماعت مسلمینک تجاوزدن مصونیتی کافل اوله جق تدابیری اتخاذ ایله مک کی خلیفه طرفندن کوریه جک امور ایله اسلامک تأیید بشوکتی واعلاهی کله سیدر . سیاست اسلامی به عائد اولان احکامی امان ایله تدقیق ایدن آدم او احکام آره سنده خارجده کی حادثات و ششونه مخالف کله جک ، یا خود زمانک الجائیه تالیف ایدیه میه جک برشی بوله ماز . بناء علیه خلیفه اولان ذات ، موقبی مقتضاسی اوله رق ، شو سرد ایتدی کمز وظائف عامه ایله مکلفدر . او حوالده مطلقا بوتکالیفک حقتندن کله به مقتدر اولماسی ایجاب ایدر . ذاتا آنجق اقتداری اولانلر برایش ایله مکلف طوتیه بیلیر . ایشته بوسیدن علمای اسلام کندیسنه بیعت اولنق ایسته نیلن ذاته دوت شرطک تحققی لزومنی اجماعاً بیلیدر مشلردر ، که او شرطلرده : علم ، عدالت ، کفایت ، برده رای و عملک سلامتی ایچون اعضا و حواسه هاند سلامتدر . ایشته ششون مسلمینک محور لاقنده دوعسی ، جامعه اسلامی نك اسباب انحلالدن آزاده قالماسی مقصدیه خلافت ایچون ضروری اولدیغنده بوتون مسلمانلرک برلشدکلری دوت رکن بونلردر . خلافت ایچون قرشیلک شرط دکلدر ، دینلر آره سنده قاضی ابوبکر باقلانی ده واردر که جماعت قریشک اسکی حالی محافظه ایدیه میرک انحطاطه دوشمش ، بناء علیه آرتیق تکالیف خلافتی ادادن عاجز بولندینی دوری بالذات ادراک ایدنلردنر .

ابن خلدون ده خلافت ایچون قرشیلکک مشروط اولماسی بوقبیله نك صدر اول اسلامده حائز بولندینی عصیت دولایسیله ظهوره کله جک بمخاصمه به میدان ویرله مک ایچوندی ، رأینده بولونیور . کتابنک مقدمه سنده شوسوزلری کوریورز : « بزله شارعک نه برنسه ، نه بر عصره ، نه ده برامته تخصیص احکام ایتدیکنی بیلیدیکمز ایچون بونک کفایت مسئله سندن باشقه برشی اولمادیغنی اکلایه رق قرشیلکدن مقصود اولان علنی ده اوکا ارجاع ایدرز . اوعلت ده عصیتک وجودیدر . بناء علیه امر مسلمینی اله آله جق ذاتک یاننده کیرینه قارشنی عصیت وشوکت قویه صاحبی اولان بر قومدن اولماسنی شرط اتخاذ ایدرز که باشقه لری کندیسنه اتباع ایتسون ده حسن حمایه اطرافنده وحدت کله حاصل اولسون . نته کیم قرشی مسئله سنده ایش بویه ایدی . اوت ، اوزمان اسلامک دعوتی عام ایدی ، عربک عصیتی ایسه بودعوتی باشه چیقاره بیله جک حلاله ایدی . بناء علیه دیگر اقوامه غلبه چالدیلر . » ایشته دین اسلامک مسلمانلرده جاری اولان سیاستی بودر ؛ ایشته الله ذوالجلالک قوللری آره سندن ایتدیکنی ریوزنده خلیفه ایتمک ایچون معتاد اولان طرز انتخابی بودر .

مادامک خلافت مسلمانلر آره سنده عدالت تأسیس ایتمک ، عباداللهک حقوقی کوزتمک ، اقوام ساژمنک تجاوزاتنه قارشنی طوره بیلملری ایچون لازم کلن قوتی حاضر بولوندیرمق کی صرف یوقاریده سویلدی کمز اسبابدن طولایی مشروعدر ؛ او حوالده عصرلردنبری کلن انسال ایچنده کیم کوستریله بیلیر که دارالخلافة سریرینه او طوران خاندان آل عثماندن زیاده بومنصبه استحقاقی اولسون ؟

عباسیلرک مصرده صو ک خلیفه سی بولنان المتوکل علی الله سلطان سلیم اولک شوکت و قدرت اعتباریه امرای مسلمینک اک مهیبی اولدقندن باشقه ، اسلامی حمایه ، کله مسلمینی توحید خصوصنده اک صاحب عزمی ، اک قویسی بولندیغنی کوزیه کور : کدن صو کره خلافتی اوکا ویردی . سلیمک بو عظمتی ایسه کندیسنه عطای الهی اولان او مدهش ، او کثیف اوردولریله تجهیزات مکمله سی ، قون سیاستی احاطه ایدن علمی ، برده ملوک زمین آره سنده احراز ایلدیکی موقع بندی سایه سنده ایدی . المتوکل خلافتی ویردی ، لکن نه زمان ؟ هم کندیسنی ، هم کندیسنه امثال اولان دیگر بر جوق خلیفه لری امرایله ملوکلرک تحکمی آلتنده قالمش ؛ بوتون حقوقلری ، بوتون امتیازلری بو صو کره کیر طرفندن اللرندن آلنرق اونلر ایچون یالکز جنازه نمازلرنده امام اولق ، نذر ، صدقه آچقه لری طوبیلامق ، برده بعض رسمی محافلده حاضر بولنق کی مراسمدن باشقه بر شی قالمش ؛ الحاصل زمانزده کی هندامراسی انکلیر اقدیلرینه قارشنی نه موقعده ایسه کندیلرینک ده عینی درک به اینمش اولدیغنی کوردکن صو کره . المتوکل خلافتی ویردی ، لکن نه زمان ؟ بر خلیفه ایچون متغیبلر حضورنده خضوع و خشوع طوری طاقمق مرارتی نفسنده طاندقندن ، آرتیق بو منصب عظیمک کندیسندن بکلدیکی وظائفک ، قابل دکل ، حقتندن کله میه جکنی یقیناً آکلادقندن صو کره .

خلافت کله سنک آرتیق خارجده مدلول حقیقیسی اولیان الفاظ درکهنه ایتدیکنی کورن المتوکل دین الهینک یالکز القاب ایله ، مشاعر حرمتک ده صرف عنوان ایله اقامه و حمایه اولونه مایه جغنی آکلادی . ده صو کرا ، مسلمانلرک مصاب اولدیغنی شدائد کندیسنک نظر دهشتی اوکنده اولانجه مهاجرتیه تجلی ایتدی . اوت ، زواللی مسلمانلر آرالرنده کی رابطه تارمار اوله رق اونک یرینه بر بیغین ذلیل ، مبتذل شیلر قائم اولسی ؛ کذلک امر و نهی صاحبی رؤسانک آلابیلدیکنه چوغالمسی ؛ امرای و خلفانک صرف کندی ایشلری ، کندی مناعتلریله مشغول اوله رق عباداللهک مصالحنه قارشنی تمامیه لاقید قالمسی ؛ ایش باشنده بولونانلردن چوغنک ثروت بیغمقدن ، نفسانی هوسات پشنده قوشمقدن باشقه بر دوشونجه بسلمه مسی یوزندن زواللی مسلمانلر ضعفک ، مسکتک ، محجزک اک سافل درکهنه اینه رک بظنلردن بری کرک اورویالیلر ، کرک باشقه لری طرفندن باشلرینه یاغدیریلان نکبت طوقانلری ایچنده بوغولوب کیدیورلردی .

ایشته بو الیم حقیقتلرک کافه سی المتوکلک نظر دهشتی اوکنده بوتون عریانغیله تجلی ایتدیکی ایچوندرکه قهرمان اردولرینک صدای سطوتی دنیالری تترتن و بحوله تعالی ارضک بویوک بر قسمنه وارث اولان سلطان سلیم اوله توجه ایدرک تزدنده کی امانا دی ؛ حضرت

رسولك خرقه سنی ، قلیجی ، سنجاغی اوکا تودیع ایلدی . ایشته او دوردن بری منصب خلافت ، شوکت مهیبه سی هر درلو حقوقی محافظه یه کافل اولان خاندان آل عثمانك عهده کفایتنده در ؛ که بو حق سلاله رسولك اک کزیده سی طرفدن مصدق اولدیگی کبی یزوزنده کی یوزلرجه میلیون مسلمانك ده مظهر احترامیدر .

عجبا بو کون خاندان آل عثماندن زیاده خلافت کیم استحقاق کوستره بیلیر؟ خلافت او جماعتک انهمی ویرلمک یاقیشیرکه منسوب اولدقاری امتلر طرفدن عباداللاهک اموری کندیلرینه تسلیم ایدیلش ؛ دینلرنده امام ، طویراقلرنده حاکم طانیلمشکن ذمه رعایت ، عهدی صیانت شویله دورسون ؛ قالقدیلرده فحش و فجور حامیسی حکومتلره اودرده قیمتدار اوزرینه ، اوزواللی امتلر ، اوقوجه اقلیملر اوزرینه بازارلره کیریشدیلر ؛ اوت بو کیلرک خلفا صیره سنه کیرمسی جائز اوله بیلیر . لکن مسلمانلرک بیعتیه دکل ، آنجق فرانسزلرک ، یاخود انکلزلرک بیعتیه ؛ فقط خلافت حقنده کی حکم الهی بی بیان ، دور اولده کی راشدینک سیرتیه عائد مفاخری اوقویان مسلمانلره کلنجه نه بو کبی یالیزلی هذیانلر اوناری آلداته بیلیر ، نه ده آره لرنده بو کبی ترهات رواج کورده بیلیر . اوت ، محاربه حاضرده دن اسلامک اسکی شوکتی ، خلافت عثمانیه نك ده سیاست عالنده کی اسکی موقعی استرداد ایدرک حقیقه جنی اندیشه سی فرانسزلره انکلزلری جدا بی حضور ایتدیگی کبی ؛ یزوزنده کی اقوام اسلامیه نك دارالخلافت سریرنده کی غازی محترمه شدت مربوطیتلرندن طولایی کونک برنده فرانسزلره ، انکلزلره ، موسقوفلره ارتکاب ایتدکاری جنایتلرک ، روا کوردکاری ظلملرک حسابی صوره جقلرینی دوشوندکجه خلجان ایچنده قالیورلر .

هله خلیفه اسلام ایله آلمان ملت نجیبه سی آره سنده کی اتحاد ، بو کوزی طویمق بیلمه یین حکومتلرک قورقوسنی بوسبتون آرتدیدی . او آلمان ملتی که قلیجک سیاست یالانلرندن ده کسکین ، قرق ایکلیک طویلرک ایسه صلح عمومی بی تأمین ایشنده ده صاغلام اولدیغنی بو محاربه ده کندیلرینه کوستردی . آلمانیا حکومت فحیمه سنه قهری ناقابل بر قوت قازاندیران بو اتحادک مسلمانلره ده جناح سطوتی بوتون اورویا اوزرینه کرن اورویانک اک بویوک دولترینی ، بربرینه مظاهر اولملرینه رغماً ، قهر و تشکیل ایدن بر متفق بخش ایتدی او حرص حکومتلری آلابیلدیکنه تلاشه دوشوردی . البته بو حکومتلر ، یکپاره بر کتله حالنده کی مسلمانلره آلمانلره توجیه ایتدکاری هجومک کونک برنده کندیلرینه اعاده ایدیلسندن قویه حق قیامت کبرایی آ کلامشلدردر . ایشته او زمان نه شیمدیگی مجد وشوکتلری قاله جقدر ، نه ده بو واسع مملکتلری .

فرانسز غزتله ریله دیکرلری طرفندن آلدایلیق ، یاخود قورقودولمق ایسته نیلن مسلمانلر یقیناً آ کلامشلدردر که سلطان محمد خامس او محررلرک ظن ایتدکاری کبی دکلدردر . اوت ، مسلمانلر پک ایی بیلورلرکه سلطان مشارالیه ، چناق قلعه اوکنده اوج بش آرشون طویراق آله بیلیمک ایچون قفالری بیچیلن ، زرهلیری باتان ، کثیف کثیف اردولری محو اولان اک بویوک دولتره کندی قهرمان عسکریه بر بیل قارشی طوران صاحب شوکت بر پادشاهدردر .

مسلمانلر بیلورلرکه آلمانیا ملت معظمه سی عثمانی پادشاهنک نه بلند بر موقع عظمتده اولدیغنی تقدیر ایدیور ؛ اردوسنک درجه سطوتی ادراک ایدیور . مسلمانلر بیلورلرکه سلطان الله قیصر محبت و صمیمیت متقابله اساسلری اوزرینه الله ایله عهد و پیمانق ایتش ایکی مخلص دوستدرلر ؛ آرقه لرنده ایسه ایکی معظم ملتک سوزی مطاع اولدقجه ، ایکی عظیم امپراطورلرک شرفی مصون قالمادقجه قلیجلرینی قینلرینه قویماه یه یمن ایتش اردولر بولونیور . مسلمانلر بیلورلرکه سلطان محمد خامس نه فرانسه حکومتک عربلر اوزرینه ولی الامر نصب ایله حمایه سنه قالدیشدیغنی هیکلدردر ؛ نه ده انکلزلرک کندیسنه رؤیالری طوغری حقیقینی تقدیرده مصر خلافتی توجیه وعدنده بولوندقاری دوزمه ملکدر . سلطان محمد خامس سلطان اوغلی سلطان و مصالح مسلمین اوغورنده اویقولرینی فدا ایدن بر خاقاندر . دشمنلر بیلورلرکه یزوزنده خلافت کیملرک اک زیاده اهل اولدیغنی پیغمبرک اولادی هر کسدن ایی بیلیر . بوا میرلرک مکده او طورانلری ده ، دارالخلافتده بولانلری ده خاندان آل عثمانک خلافتیه بیعت ایدنلرک دائمایلیکی ایدیلر ، دائمه ایلکی اوله جقلردر . اونلر بو هرزه وکیل محررلرک کوسترمک ایتدکاری کریوه ضلاله صایمینی هیچ بر کون خاطرلرینه بیله کتیرمدکاری کبی ذاتاً اورته ده مسلمانلرک حقوقی ، مصالحی بو خاندان قدر حمایه ایده بیله جک کیمسه کورمزلر . او خاندان که : دنیادن اولانجه حظی حرمین شریفنک خدمتکاری ، برده یزوزنده کی مسلمانلرک مهبط آمالی اولقدن باشقه برشی دکل . اوت ، بو محررلر ، بو سیاسی کندی کندیلرینی آوتومق ایچون دیورلرکه : « آفریقای وسطاده کی مسلمانلرک استانبول خلافتیه هیچ مناسبتی یوقدر ؛ مثلاً تومبوقتو اهالیسی خلیفه یه ، یاخود خلافت عائد پک آرش بیلیر . » هیچ دوشونمورلرکه بیکرجه مسلمان هر سنه بیت الهی طواف ایدرکن ، علیه الصلاة والسلام اقدیمزک روضه پاکنه یوز سوررکن خلافت عثمانیه سنجاغنک دنیانک اک شرفلی ، اک مقدس یوردنده طالعنه لایمقدمه اولدیغنی کورویورلر . بونلرک هپسی میدانده ایکن ، عجبا ، آفریقا ، یاخود جاوه ، یاخود هند ، یاخود چین اهالیسی ایچون ، آرتیق ، اما کن مقدسه نك حامیسی ، یزوزنده کی مسلمانلرک خلیفه سی بولسان ذاتک عثمانی پادشاهی اولدیغندن غفلت ممکن اوله بیلیرمی ؟ عجبا کوزلرینک اوکنده پارلایان بو قدر مائر ، قولاقلرینک دیننده یوکسلن بوقدر مفاخر کندیلرنده هیچ می برانطباع برافاز که اونی آ کدقجه ایستر ایسته من خلیفه بی ده آ کسونلر ؛ او خلیفه بی که بیت معظمه ، قبر رسول محترمه خدمت ایتک ؛ الله یولنده اوغرادقاری شدانده قارشی اصلافتور ، ضعف ، مسکنت کوسترمیه رک تکالیف کران خلافتی آرقه لرنده طاشیمق و او منصب معظمک حقیقی و یروب مأجور اولمق کبی اسلاف خاندان کریمنده عصرلردن بری یرلشن عنعنات قدسیه نك وارث حقیقیسی در .

ذاتاً ، استانبولده کی پادشاهک خلافت اسلامیه یه استحقاقی هر مؤمنک قلینده بر عقیده راسخدر . بناء علیه مسلمانلردن بوانکلز ، یاخود لاتین محررلرینک افکار سخیفه سنه قایله جق آدم حقیقه جغنی امید ایتک کندی آلداتمقدن باشقه برشی دکلدردر . مکرکه مستعمرانده کی مسلمانلر ایچندن صرف کندی یتشدیرمه لری بر قاچ خائن دین بولنه بیلیرن .

خليفة نك اعلان ايلديكي جهاده مسلمانلر ك بر چوغى اشتراك ايتدى ، ديههرك بوندن آرتيق حسياتك دكيشديكنى ، خلافت عقیده سنك كوشه ديكنى استدلال ايتك ايسته يورلر . بيلمورلر كه خليفه نك جهاد مقدس دعوتنه اجابت ايدمهين مسلمانلر بو معظم فريضه يي ادا ايجون آياقلا نه ميه حق حالده اولدقلرى كوردكجه او طور دقلرى يردن زوالليرك كوزلرندن قان كيديور ، يوركلرندن آتش چيقيور . بو بيجاره لرك صدای جهاده قوشاملرى نه مقام خلافتي كوچوك كورملرنددر ، نه ده امر ديني استخفاف ايتلرندن . آتجق وسائط حربى حاضر لامقسنزين حربه كيريشمه يي ، كوز كوره تهلكه يه آتيلماي كتاب الله ذاتا كنديلرينه منع ايتمشدر ، تحريم ايتمشدر . آرتيق سلاحلى اللرندن آلدقدن ، هر درلو لوازم حربيه دن محروم برايدقدن سوكره جهاده اشتراك ايتدكلرى ايجون هيچ بونلره كناه ، ياخود مسؤليت ترتب ايدرمى؟ ابي بيلميلدر كه كناهك الك بويوكى جهاد لوازمندن هيچ برينى تدارك ايتهدن جهاده قوشانلره عاندر . شبهه يوقدر كه مقام خلافت عالم اسلامى جهاده دعوت ايدر كن بو فريضه ايله يالكنز وسائط جزبي استكمال ايدنلرى مكلف طومش ؛ يوقسه مسلمانلرى قرآن ايله تعليمات رسولك تعين ايتديكي حدودك اوتسه نه سوق ايتمه يي خاطرينه بيله كتيرمه مشدى . البته مقام خلافت ، قواى بدنیه نك ضعفى ، ياخود سلاحك فقدانى كى اسباب مجبره دولاييسيله حربه كيريشمكدن عاجز اولانلرى جهاده تشويق ايتك درك لردن متعاليدر .

كندى وهملرينه وجود ويرمك ايجون اوفر اشان بو محررلره سويليكز : مستعمره لرنده كى مسلمانلره سلاح ايدينه بيلمك فرصتى ويرسينلرده سوكره نه اوليور كورسونلر !

هيچ ترده محل يوقدر كه كرك مسلمانلر ، كرك خليفه لرى دينلرينك اسرارى ده ، شرائط احكامى ده نه سويلدكلرينى فرق ايتمه ين ، رايلىرى ايسه قطعاً اصابت ايتديره مين بو سرسم سياستچيلردن دها ابي بيليرلر . بناء عليه بونلر طوائف اسلامدن ، كنديلرنجه شبهه و ترددى موجب ، ياخود ماهيتى نظرلرندن كيزلى بر حالك صدورنى كوزورلر سه بيلينلر كه اونى بر مقصدله ياپيورلر ؛ آكلاسينلر كه مسلمانلر ك بوتون حر كتلرنده ، بوتون سكونلرنده كنديلرى ايجون مابه الاستناد اوله جق تعليمات الهيه قرآنك سينه آياتنه مندجدر . يوقسه شرعك اوامرى استخفاف ايديورلر ؛ دينلرينه خيانتده ، پيغمبرلرينك خليفه سنه مخالفتده بولونيورلر ، وهنه قاييلماسينلر . ايشته بو محررلر ك طور مابوب كندى حكومتلرينه احتمال وقوعى تهلكه سنى آكلاتمق ايتدكلرى اتحاد اسلام ده بوقيلدندركه راضى اولسه لرده اولماسه لرده ، خوشلانسه لرده خوشلانماسه لرده ، هر درلو مانعاره رغبماً محققدر .

يوقارودن برى سويلديكمز سوزلرله خلافت اسلاميه مسئله سى حقتده كى علمى ونقلى حقايقى سرد ايتمش اولديغمز كى ؛ مسلمانلرى خلافت عثمانيه نك اتكنه صاريلقدن واز كچيرمك سوداسنده بولنانلر ك باطله رواج ويرمك ، محاله چاره بولمق ايتدكلرينى آكلاتمش اولدق .

دمين ده سويلديكمز كى بوكون فرانسزلرله انكليزلر ، حكومتلرى آلتنده ياشايان مسلمانلر ك باشنه فاسده ، مصرده وبوكا بكزر ديكر مواقعده كندى يتشديرمه لردن اوله رق بر طاقم خلفا چيقارمق

ايسته يورلر . ظن ايديورلر كه احداثه چاليشدقلى بو كى قتهلر هيچ اولمازسه عربك عوام طبقه سى و بربريلر ايله ديكر امتلر ك اشاعى صنفلرى آراسنده رواج بوله بيلير . يالكنز بو باطل پشنده قوشان حريفلر ك شوراسى نظرلرندن قاجيور كه مسلمان طور اقلرينك هيچ برى بوقيلدن اولان اوهاى بيتمه يه وقف نفس ايتمش مرشدلردن خالى دكلدر . اوت ، بوفدا كار مجاهدلر ارباب مكر ك دسيسه لرينه ، خائىلر ك اغفالاتنه قارشى عوام خلقك كوزى آتجق ايجون جانسپارانه چاليشيورلر . بو حريفلر ظن ايديورلر كى كه دينلرينك اساسى توحيد اولان مسلمانلر او كى يالديزلى زهرلره قانارلرده اسلامى تملرندن صارصان و دشمنلره دينى جان آله جق يردن اورديران معهود تاريخى قتهلرى ، اختلافلى بكيدن اويانديرمه يه قالقيشيرلر ؟ يوقسه جهالت مسلمانلرى وحدت كله يه اصابت ايدمك تفرفه نك ، مذاهبه عارض اوله جق تشتك نتايج الهيه سنى ادراك ايدمه من بردر كه يه مى اينديردى ، وهنده بولونيورلر ؟ هيات ، سرير وحدتلرنده رخنلر آچيله رق ، جمعيتلرى تارمار اوله رق ييانجى ملترك النده بازاره چيقارلمش متاع حالته كلدكلرى كونلرى ، اوقاره كونلرده بينلرينه بوشانان فلاكت ، مصيبت ، نكبت طوفانلرينى اونوتمق هيچ مسلمانلر ايجون قابل ميدر ؟ البته اساسى توحيد اولان اسلام ارضك شرق و غربنده بولونان مسلمانلره مراجعتكاه اوله جق تك برخليفه دن باشقه سنه راضى اوله ماز . بك اعلا ! خلافت ، او مقام بانديك شرفنى مدافعه ايدمك ، بار تكاليفى آلتدن قالفه بيله جك اولانلردن زياده كيم اهل اوله بيلير ؟

باشلرى تك براميره باغلى اولديغى دورلر مسلمانلر ايجون فيض وبركت دورى ، استيلاى جهان دورى ايدى . حتى هجرتك قيرن اولى هنوز قابانامشدى كه سلطان اسلامك تحنى ارضك ايكي يوز كونك برساحه سنى كولكسى آلتنده بولونديرييوردى . وليد بن عبدالملك زماننده ايسه دولت اسلاميه مشرق ايله مغرب آردسنده كى اقليملرى ، تاتارستاندن بحر محيط اطلاسى به قدر امتداد ايدن معموره لرى قوشاتمشدى . آرتيق عربستان ، عجمستان ، شام ، هند ، سند ، آفريقا ، ساردنيا ، اسپانيا ... كى دها برچوق يرلر ممالك اسلاميه نك بر جزئى ايديلر . بوده ، خلافت مسئله سنده ميدان آلان بعض مجادلانته رغبماً ، بوتون مسلمانلر ك دائماً برخليفه اوزرنده اتفاقدن ايلرى كليوردى ، كه عظمتى پادشاهلره بويون اكديرن ، مهاجى سرير حكومتلرى ده ويرن بوقدر واسع سلطنت ، بوقدر معظم فتوحات چوق زمانلر اوخليفه سايه سنده اله ايديليوردى . مسلمانلر خليفه معظم عمر بن خطابك سقيفه وقعه سنده تقرير ايتمش اولديغى اومدهش دستور سياستى بيلمزلرمى ؟ نيته كيم حباب بن المنذر الانصارى قالفوب ده : « سزدن برامير ، بزدرده برامير اولمالى در . دينجه ، حضرت فاروق : « هيات ، ايكي اميرك بزاشمسنه امكان يوقدر . » جوابى ويرمشدى . مختلف جماعتلر ك ، مختلف عصيبتلر ك جبل خلافتى اله كچيرمك ايجون چكشديروب طور دقلرى كونلرده اسلافك دوكون قانلرينى ؛ اووقته قدر سينه لرده كيزلى طوران كينلره ، غيظلره بووسيله نك نه الم تشفى فرصتلى ويرديكنى عجا مسلمانلر اونوته بيليرمى ؟

امويلر ك اندلسده ، علويلر ك مغربده خلافت اعلان ايللرى آره لرنده جهنمى قنالر آچهرق نتيجه سنده هرايكي حكومت اساسندن ييقلمش ، هرايكي جماعتك حياتى هدر اولمشيدى . مسلمانلر بونى ناصيل اونوته بيلير ؟

فرانسه نك ، يا خود انكتره نك قاقوب ده كنديلرينه خلافت مقدسه عثمانيه سنجاغنك كولكسندنه ياشايان دين قارداشارينك عليهنه اولوق اوزره مظاهرتده بولميرندن ؛ يا خود مقام خلافتك متفكرلى اولان وسطى اوروپا دولتريه محاربه يه كيريشميرندن نه بكيورلر ؟ شمالى آفريقايي مستعمره لرى حاله كترين بودولتلك درلو درلو حيله لرله كنديلرينى آلداتمقدن مقصدلرى عجب اسلام آره سندنه كى روابطى چوزمكدن ؛ جماعت مسلمينى اوفاق اوفاق طائفه لرله قلب ايتمكدن باشقه برشميدر ؟ بر كرده بونلرى بربرينه باغلايان دو كوم چوزو- لهرك آره لرنده ارتباطدن اثر قالمادى ، آرتيق هر طائفه يي ديكرى اوزرينه صالحه رجه قتلر ؛ بيلرنده عنصر ، خلافت فته لريني اويانديره روق ابدى قيلميرلرينك قينلانماسنه ، قياملرينك باصيلماسنه ميدان و يرميه جكلردر . ايشته او سويلديكمز غائلر شايد بو كى خوليارله قايليرسه ؛ هر حزب كنديسنه وعد ايديلن ساخته برطاقم تظاهرات عظمته ، صورى بر ييغين مراسم خلافت آلدانيرسه ؛ بارى ماضى ايچنده قاينا يوب كيمش امترك اوغرا دينى عاقبتلردن عبرت آلمازسه بونلكده اندلسليرك حاله كللى محققدر . نته كيم امترك اختلافى ، مقصدلرك تعارضى نتيجه سى اوله روق اندلس اويله دورلر كورموشدى كه هر يك كيشيك جماعتك « بر امير المؤمنينى ايله بر منبرى » واردى .

لكن نهدن بو آفريقاده كى غافللى او قدر اوزاقلره كوتور يورزده كنديلرينه اقوام ماضيه دن نمونلر كوسترمه يه قالقيشيورز ؟ اويله يا ! نظر حيمته فان آغلاده جوق ، يوركلرى يرندن قوپاردجق الواح عبرت يانى باشمزه ، كوزلريمك او كنده طور و يور :

فرانسزلر بر عصره ياقين زماندن اعتباراً جزايره ، ثلث عصر قدر مدتدن برى ده تونسه مستولى اولديلر . يك اعلا ، بوملكتارده نه ياپديلر ، نه ايش كورديلر ؟ سورو سورو فرانسز سرسريلرينى يرلشديرمكدن ؛ مساجدى معطل بر اقوب جماعتى آلداتمق صورتيله اوقاف اسلاميه يي بيمر مكدن ؛ او ديارده كى اهالينك شرفى ، حيثيتى آياقلىر آله المقدن ؛ بيجاره لرى حقوق مدنیه ده اجنيلره مساوات حقندن محروم بر اقمقدن باشقه نه خير ايشديلر ؟ كورويورسكز يا ! بوتون قوتلريه دين اسلامه قارشى حرب آچدقلىرى ؛ عربلرله بر بريلر آره سنه قونداقلىر صوقدقلىرى ؛ اسلام سايه سنده باريشه روق عصرلردن برى صلح و سكون ايچنده قارداشجه ياشايان بو ايكي عنصرى بربرينه دوشوردكلرينى هنوز حسابه قاتمداق !

بر چوق عبرتلىر ، بر چوق مصيبتلر كيدى . شايد مسلمانلر تاريخك سينه سندنه كى حقائقدن درس آله بيله جك قدر بصيرته مالك دكلسلر طوغرودن طوغرويه بيغمبرلرينك سيرنده ، ايلك خليفه لرينك وقايعنده كنديلرينى ارشاده كافى دستورلر تاميله موجود . اونلرى ياد ايدوب متنبه اولملرى ايجاب ايدر كه عقلى اولانلرك مسلكى بودر . بوكون ير يوزنده كى مسلمانلرك كافى آرتيق بر طاقم ملعونلرك اغفالاتنه قابلقدن و ازكچملى ؛ خاندان عثمانينك رايه خلافتى اطرافنده طويلانماليدير . جناب حق بو خاندانك ملكنى صيانت بو يورسون ، شوكتى مزدا ايلسين . ذاتاً مرا كشه كى بر ييغين عجزه قالقارده اسلام دشمنى

خلافتك مصرده كى فاطميرله بنسدادده كى عباسيلر آره سنده ايكيشمى يوزندن هر برينه تابع اولان جماعت قارشيسنده كلك حرام اولان قاننى آرتيق مباح كورميه باشلايه روق آره لرنده بر چوق مقاتله لر ، اوصداى مشومى كائناتك آفاقى ايكهدن قانلى محاربه لر ظهوره كلى . خليفه فاطمى المهديك بيغمبرك عمجه زاده سى و دامادى اولان ذاته نسبتى المقتدر باللهى اصلا اور كوتديكى كى ؛ المقتدر باللهك ده عليه - الصلاة والسلام افنديمك عمجه سى عباس بن عبدالمطلبه اتصال نسبي المهديك امورنده اولمادى . ايكيشمى ده بو كى قيودك فوقه حيقه روق ، حسلرينى ، فكرلرينى استيلا ايدن عصبيت جيلغينقلرينك حكمنه رام اولديلر . بر حاله كه مسلمانك قاننى مسلمانه حرام اولدينى حقتده كى نص قرآنى يي ده « ايكي مسلمان قيلمير قيلمير كيرسه اولن ده ، اولدوردن ده جهنمكدر » ماننده كى بر چوق احاديث صحيحه يي ده او عصبيت دوشونجه سى كنديلرينه تاميله اونوتديردى . سلطنت حرصى عقللرينى باشلردن آدى ، عصبيت جاهليه بورونلرينى قاپارتدى ده قالديلر اسلام آفاقى صاران ، زواللى مسلمانلرى قاصوب قاووران ؛ نهايت المقتدرك اوغلى الراضى بالله دوزنده جامعه عباسيه يي تارماز ايدن اوقته يانغينلرينه كندى اللريه آتش ويرديلر . عجب مسلمانلر بو فاجعه لرى ياد ايتمزلرمى ؟ موحدن دولتك فاس ايله برلشمه سنه واسطه اولان خليفه المنصور ابو يوسفك خلافت عباسيه يه قارشى سينه سنده بسله ديكي خصومت حسنه قايله روق صلاح الدين ايوبى يه امداد كوندرمكدن امتناع ايتمى عجب شرقده كى عالم اسلامه نه فائده ويردى ؟ اوت ، بو مجاهد اكبر كنديسنه اياچيلر كوندرمش ؛ او آره لوق شر صولتلىر دايا نيلماز حاله كلن ، دونملى برلشهرك شام سواحلى استيلا ايدن اوروپا ييلره قارشى متعدد كيلرندن هيچ اولمازسه بر قانچى كوندرمك صورتيله مظاهرتده بولونماسنى استرحام ايتش ايدى . يك اعلا ، صرف بيعتلرنده بولندي عبا سيله اولان كينى سائقه سيله المنصورك صلاح الدينه دست معاونتى اوزاتمقدن كرى طور ماسى عجب سياست اسلام ايجانندن مى ايدى ، يوقسه دين صحيحك احكامنندن مى ايدى ؟ حال بوكه الله ذوالجلالك عنايت و صياتى يتشمه سى عالم اسلام هلاك اوچوروملرينه يورالتمق اوزره ايدى . المنصور ايسه او آره لوق اويله بر سطوته صاحب ايدى كه آدينك آكيلماسنى بيله اسپانيولرله يورنكيزليلرك حضورينى اخلال ايدى يوردى ؛ زيرا قازانمش اولدينى قانلى محاربه لر ، بونلرى دهشتلر ايچنده بر اقمشدى .

المنصور كى بر آدمى مسلمان قارداشارينك امدادينه يتشمكدن عاجز بر اقبيله جك سبب عجبانه اوله بيلردى كه ، اسپانيا قرالى آلفونسك والده سيله قاريسى ، قيزلرى حضورنده بويونلرينى بوكشله ؛ بوتون اندلسى اللردن آلماسنه مقابل ، هيچ اولمازسه طليطله يي كنديلرينه باغشلاماسنى آغلايه آغلايه استرحام ايدى يورلردى . هيچ شبه يوقدر كه خلافت عباسيه يه قارشى سينه سنده طاشيدى كين اولماسه يدى زمانه كوره يك مهيب اولان كيلرلينك بر جمله سى شام سواحلندن غائب ايتدكلرى يرلرى درحال مسلمانلره اعاده ايدر ؛ اوروپا ييلرك دونملى ده صاحبلىر حرمينه كوز ديكه جك حاله كترين او متجاسر هجوملرده ، تعرضلرده بولونه مازدى . آفريقانك بعض مواقعه دنه كى جاهل ، غافل مسلمانلر عجبانه

فرانسز لر طرفدن ویریه جک ساخته عنوانره قابیلیرسه بونک بوتون دنیا اوزرنده کی مسلمانلر اوزرنده نه تأثیری اوله بیلیر ؟ زیرا بونلر ، خلافت عثمانیه نك شان وشوکتی متأثر ایده بیه جک ؛ عظمت ، فضیلت میدانلرنده مجاهده دن بر آن کری طور میان او معظم سلاطین ایله مسابقه یه قالمیشه جق درجاتک البته پک دوننده درلر . باخصوص اوپادشاهلرک قوای مدهشهلری اوکنده انکلیر ، فرانسز اردولرینک انهزامه اوغرادینی ، بر جوق بویونلرک کلوبده حضور مهابتلرنده اکیلدیکی بویله کونلردن سوکرا .

مملکتلری ، شرفلری ، دینلری ، مفاخر تاریخیلری اوزرینه فرانسزلره بازارغه کیریشه رک دکر سز بر قاج پاره اوغورنده هپسینی فدا ایدن بویله بر طائفه یه هیج موهوم بر خلافت مراسمنه ، حقیر بر امارت تشریفاتنه قابیلحق یاقیشیری ؟ . . .

دولتلرینی ، مملکتلرینی فرانسسه دکر منک ایکی طاشی آرسنه قویوب اذیرن بویله بر طائفه یه حالا اونلردن خیر بکله مک طوغرو اولورمی ؟ . . . هیج شبهه ایتمه ملی درکه اودکر من آلتنده کیلری تمامیه ازوب موجودیتلرندن بر خاطره براقیجه یه قدر دورنده دوام ایده جکدر . بوتون قوتی ، سعادتیی غائب ایدن ؛ ایش کورمک ، سوز سویلک حقنی نفسندن سبب ایله فرانسسه نائب حکومتک آتده جامد بر رهن حالنه کلن بویله بر طائفه یه آل عثمانه بیعتی کیرینه یدیره مه مک ، یاخود اونکله خلافت مسابقه سنه قالمیشمق عیجا یاقیشیق آیرمی ؟ . . .

زده بو طائفه ، زده اونک سلف صالحی سلطان مولای محمدک دکر زده حرب کیلری ، قروده نظامیه عسکرلری واردی ا دیار مغربده رایت عدالتی اعلا ایدن ، امتی عزت ومدنیت ساحه سنه چیقاران سلطان مشارالیه درکه مغربیلری فرانسسه ایمراطورلنی دورنده کی عظمتنی فرانسزلرلا بیه نظر احترام ایله باقدقلری وقور ، مهیب بر ملت حالنه کتیرمشدی . بونکله برابر شو صایدقلر منک هیج بری جماعت مسلمینه قابیلحقندن ، عثمانی خلیفه لرینه بیعت ایتمکدن کندیسنی منع ایتممشدی . هر جمعه کونی مغرب اقصا منبرلرنده خلیفه زمان سلطان مصطفانک اسمی او قوندرق دما ایدیلیر و اودیارده کی میلیونلرجه مسلمین طرفندن آمین دینیلردی .

عیجا نسبارینک قریشه متصل اولسی بو طائفه یه نه کی بر فائده تأمین ایده بیلیر ؟ زیرا سید قریش صلی الله علیه وسلم اندیمز بزه ، قریش دیندن انحراف و عهد مسلمیننی نقض ایلدکلری تقدیرده کندیلرندن اوزاقه طور مامزی و اونلره قارشو هیج بر عهد ایله مقید اولمامقغزی امر بویوریلورلر . مسلمانلر ابوهریره نکه روایت ایتمدیکی شوحدیث نبوی بی بیلیمورلریمی ؟ «سپه لک الناس هذا الحی من قریش قالوا فما تأمرنا (یارسول الله) قال لو ان الناس اعترلوهم .»

خالقک باشقه باشقه یوللردن کیتسی ، برده آره لرینه صوقیلان بدعتلرک ، احتراصلرک تعارض ایتمسی یوقی ؛ ایشته بیجاره لر کیلیاً محو اولمق تهلکدسنه معروض براقان ، باشلرینه بوفته لری ، بوقلاکتلری ، کتیرن هپ اودر . اکر جناب حقلک مرحمتی یتیشمسه یدی او آرزین فته لر مسلمانلرک کیکلرینی ، ائلرینی کیره جک ، یالکز وجودلرینی دکل ، ایزلرینی بیهلر جبهه ارضدن قازییه جقدی . برکت ویرسون

عثمانی عسکرلرینه اللهم نصرتی ایریشدی ده سپرلردن ، خندقلردن بوسکور دکلری آتش طوفانلری ایچنه سورو سورو انکلیر ، فرانسز اردولرینی کومدیلر . بوسورتله اسلامک موقعی یوکسلدی ، آتسی ایچونده بیکلرجه فیض تأمین ایدلدی .

آرتیق عسکرلری تمامیه هزیمته اوغرادقدن ، بوتون سلاحلری ، مهماتلری غنیمت اوله رق مسلمانلرک آله دوشدکلن سوکره ؛ بو ایکی دولت شیمدی ده بوتون جهان اسلامک دارالخلافه ده کی خلیفه اطرافنه طویلانهرق اونک مقدس سنجاغنی ابدیاً حمایه ایتملرندن قورقارده مسلمانلر حقتنده کی ملعون مقصدلرینی تأمین ایده بیهلر جکنی اومدیغنی بویکی فته لری او یاندریرسه بویزم ایچون حیرت اولنه جق بر شیمیدر ؟ هییات ، فرانسسه ایله کندیسنه بکره یین دولتلر شونی بیلیمورلرک ؛ هیج بر زمان بو کونکی مسلمانلر دونکی مسلمانلر دکلر ؛ دوشونیمورلرک علیه الصلاة والسلام اقدیمز طرفندن ، حقتنده « بر دفعه صوقان دلک بر دها کندیسنی ایصیرتماز » بیوریلان مسلمانک ایکنجی دفعه اوله رق بصیرتی آچیلدی وزره یه دوغرو سورکنمکده اولدینتی کندی کوزلریله کوردی . عیجا دیار اسلامه صالدران بو آج کوزلو حکومتلر میدانی بوش بوله رق مسلمانلر حقتنده کی احتراصلرینی بیلدکلری کبی تطمینیه می کوز دیکورلر ؛ یا آرقه لر زنده طوران چناق قلعه آرسلانلرینی کورمیورلریمی که ، بوقهرمان مجاهدلرک اوچ یوز بوقدر میلیون مسلمانک حیاتی اوغورنده چاریشیدقلرینی خلافت اسلامیه نك سیف مسلولی انور پاشا اوراده کی وقایعک عقبنده سویلشدی . اوت ، بو حرب ، بر طرفدن ، الله ورسول الله ایمان ایدن اوچ یوز بوقدر میلیون قلبک ، دیکر طرفدن ، شاهقه اسلامی ، کله اسلامی اعلا ایدن ، اساس اسلامک ابدیاً استقرارینی تأمین ایدن خلیفه غازینک سعادتیه نهایتنه جکدر .

آرتیق وارسین او مطبوعه تحویلر هذیانلرینی ایستدکلری قدر ایلری یه کوتورسونلر ؛ تزویرلرینه ، خدعه لرینه ، تدبیرلرینه ، بکندکلری کبی طالسینلر . . . الله ذوالجلالک مؤمن قوللری ایچون « هیج شبهه یوقدر که منصور اوله جق اونلردر . محققدر که غالب کله جک بزم عسکریمز درر .» طرفنده کی وعد آلهیسی یرینی بولمشدر .

وارسین بودولاندیریمی حکومتلرده میدانه چیقاردقلری امیرلرک ، یاراتدقلری خلیفه لرک اتکلرینه صیم صیقی یایشسینلر . . البته او کون کله جکدر که : بوتون مسلمانلری بر رینه باغلایان ازلی رابطه رسول اللهمک خلیفه سی و امین امتی اطرافنده برقات دها قوتلشهرک سلطنت مهیبه لرینک طوفان قاهری او مکار باغیلر طرفندن اوکنه دیکلیمک ایسته نیلن آمال سفیه سدلرینی سیلوب سوپوره جکدر . ولیعلمن نبأ بعد حین .

مترجمی محمد عا کف عبدالعزیز چاوش

قارئین کراملک نظر صمیمتیرنه بر طرفندن کاغد قدانی ، دیکر طرفندن قارئلریمزک بورجلریمی تسویه خصوصنده کی اهمالی سبیل الرشادک نشریاتی خبیلی مدت تأخره اوغرا تدی . واقفامییدی بلک بهالی اولمقله برابر اوروپادنی کاغد کتیرتمک ممکن اوله بیلیر ؛ لکن دیکر مانعک از اله سی قارئین کراملک همتلرینه متوقفدر . اونه بدلانندن طولانی مطلوبمز برقاج بیله ایرابه بالغ اولیور . آرتیق فضلنه سه تحمل ایتمک طاقتمزک فوننده درر . اکر هر قاره شیمدیک بورجنک برنسنی اولسون تأدیه یه همت ایدرسه برسنه ک کاغد بردن کتیرته رک بعونه تمالی هر هفته منتظماً نشریاته دوام ایدرز . البته اخوان دینز بوندا کارلندن قاچماز ؛ سبیل الرشادک دوامی تأمین خصوصنده الدن کلن همتی درینغ بویورمازلر .